

rem, mittunt; qui secreto Pharon profectus, Paschalice legato incolarum voluntatem deferat: ni ibi inveniat, cum Phari magistratu colloquio habito, ut ejus rei nuntium ad legatum mittat: cum triremibus Agustam accedat, significet; statim, Epidaurii magistratu pulso, Reipublicæ legatum intromissuros, Venetaque vexilla erecturos. His de rebus certior Paschalicus factus, ad Senatum scribit: quanti momenti vel situ, vel opportunitate parva ea insula sit, ostendit; quam Reipublicæ interfit, si neglecti in aliorum Principum potestatem concedant: quæ Senatus sententia ac voluntas sit, exquirat. Nonnihil in se utilitatis continere Agustanorum deditio videbatur; neque ab æquitate abhorre, ut miserrima servitute pressi, atque Reipublicæ perfugium poscentes, in clientelam reciperentur. Attamen nemo ex præconsultoribus exitit, qui recipiendam Agustam censeret: *Minime justum videri, ut finitimorum ditiones corripiantur: id & Venetis insuetum, & majorum institutis adversum, qui vel pro suarum rerum defensione, vel ad propulsandas injurias bella susceperint: neque injuriam ab Epidauriis illatam fuisse, neque contumaces tuendi æquam causam arbitrari: tum insulam exiguam, neque incolarum numero, neque divitiis, neque ubertate ejusmodi esse, ut, si utilitate res metiatur, allicere debeat, cum præsertim nostri portubus, ac insula utantur; rem tanti non esse, ut aliorum invidia in Rempublicam excitetur: in Hispaniarum Regis tutela Epidaurios conquiescere; belli turcici superiori tempestate Pontificem eorum patrocinium suscepisse: tandem Turcarum Regis beneficiarios esse; multisque ab hinc annis ejus auspiciis umbram aliquam Reipublicæ ac libertatis retinere.* Itaque Senatu consulto datæ ad legatum literæ; Agustanorum homini Reipublicæ propensum in incolas animum significet: id & alias sæpe patefecisse, atque impofterum ostensuram: mox egregiæ in eamdem populi voluntatis gratias agat: ut Epidauricæ reipublicæ imperium æquo animo patiantur, hortetur, donec felicio-
ra eorum votis tempora contingant.

Interea aliæ a legato literæ superveniunt; adhuc tumultuantes Agustanos ad se Paschalem, Antonii filium, Ma-

*Senatus
decretum
de Agustanis non recipiendis.*

*Agustani alios
oratores ad
Paschali-
cum mis-
tunt.*

Ma-